

# 陽曲縣志

文徵下  
卷之十六  
志餘

18750  
地 160.15  
3611  
部 = 210

志餘叙錄

陽曲縣志卷十六

舊志雜述篇列帝后封建二門如所載漢文帝薄太后及北齊以下諸帝后史稱中都晉陽太原者皆非今陽曲也封建亦然故皆不錄惟前明晉藩分封裂土於會城其世系似續可稽仍之他如祥異方技仙釋談藪諸類彙爲志餘一卷以備守土者耳目之一助云

晉藩分封

明晉恭王櫚太祖第三子母高皇后也戊戌年十二月十八日生學文於宋濂學書於杜環洪武三年四月初七日封

陽曲縣志

卷十六

志餘

一

一

十一年四月十六日就藩太原中道笞膳夫上戒之櫚修日美髯顧盼有威多智數嘗裂人以奔馬或告櫚藏兵五臺山中皇太子請巡邊與俱來乃巡歷燕代及晉與櫚昆弟飲甚驩浹旬偕至河南太子告之故令八朝廢爲庶人與太子友愛彌篤日夜號泣悔罪詔復其爵聽歸藩更以恭慎聞待長史桂彥良汪河皆有禮二十六年命總宋國公馮勝兵與燕王同出塞櫚行不及燕王第築城於下水切責之洪武三十一年四月十六日薨葬駝山妃謝氏左武傳晉封永平侯成女子定王濟熿嗣其弟平陽王濟燝

幼狼戾濟熇旣嗣王濟熈嗾其弟慶成王濟炫等日訴濟熇過於朝又誘官校文致其罪歷八年不已永樂十二年奪濟熇爵與世子美圭皆爲庶人立濟熈爲晉王濟熈旣立驕姿暴橫毒弑嫡母謝氏逼烝恭王侍兒吉祥幽濟熇父子蔬食不給恭王宮中老媪走訴成祖乃卽獄中召晉府故承奉左微問之盡得濟熈構濟熇狀立釋微命馳召濟熇幽空室已十年及微至釋濟熇父子相抱持大慟謁行在所成祖惻然封美圭平陽王使奉父居平陽予以恭王故連伯灘田濟熈不與美圭田美圭上言連伯灘地隸

平陽不隸太原因及曩誣構事仁宗遣人視地果隸平陽又書諭濟熈濟熈益怨望廣致妖巫詛咒不輟宣帝卽位濟熈密遣人結高煦寧化王濟煥告變比擒高煦又得濟熈交通書濟熈使高煦人懼罪及亦首實上書諭諸王去歲高煦反罪人旣得奸黨人皆言趙晉二王實與謀予未忍信今晉府人累上變告徐察之有驗不誣趙王自知事不可掩已辭護衛濟熈得罪宗社不敢以私親廢大義謹遵祖訓免爲庶人幽鳳陽同謀妖巫官屬悉論死時宣德二年也乃復封濟熇爲晉王宣德十年薨諡曰定妃傅氏

潁國公友德女子憲王美圭嗣正統六年薨在位七年壽四十三庶長子莊王鐘鉉以正統七年自榆社王嗣宏治十五年薨在位六十一年壽七十五世子奇源及其子表榮皆前死表榮子端王知烱嗣追封奇源靖王表榮懷王知烱七歲而孤能盡哀居母喪嘔血芝生寢宮在位三十一年壽四十五嘉靖十二年薨妃殷氏無子再從子簡王新墀嗣靖王庶子新化王表懋榮澤王表懋皆懷王弟端王諸父也表懋前死諡恭裕子知燦嗣爲新化王亦前死諡端和二子新墀新墻端王請新墀嗣新化王未封而端

王薨表懋謀攝府事端王妃王氏曰王無後次及新化王今有孫新墀在卽召入爲喪主表懋疏言新墀端和王長子不得爲人後新墀宜嗣新化王新墻宜嗣晉王禮部議新墀宜嗣追封祖表懋安王父知燦康王新墀母太妃尙氏嚴教子以禮太妃疾新墀叩頭露禱吏士長史有數陳輒拜受教其老也以弟新墻子慎鏡攝藩事萬曆三年薨慎鏡亦薨弟惠王慎鋤嗣追封慎鏡敬王七年薨子穆王敏淳嗣請於朝封新墻爲和王三十八年薨子求桂嗣李自成陷山西脅求桂入京不知所終

晉王濟煥恭王第三子永樂十二年由平陽王晉封宣德二  
年因高煦事廢

寧化王濟煥恭王第五子府在晉府西宣德八年封諡懿簡  
子僖順王美讓襲薨子鍾炳襲以罪幽卒長子奇灑亦卒  
追嗣悼康王子康和王表櫟襲薨子知燼襲諡恭端薨子  
新墮襲薨諡莊定子慎鑿嗣封

廣昌王濟煥恭王第七子府在晉府西永樂初封諡悼平子  
安僖王美堅襲襲無嗣

交城王美垵晉定王第二子國平陽諡榮順子莊僖王鍾鏐

陽曲縣志

卷十六

志餘

四

襲薨子榮惠王奇涓襲襲無子以莊僖第三子鎮國將軍奇  
瀟子榮端王表杙襲晉鎮國榮僖王榮端薨無子以莊僖  
第六子鎮國將軍奇泚子端和王表相襲晉鎮國恭簡王  
端和自陳昌封准終身王薨爵除

陽曲王美珖晉定王第三子國平陽諡榮靖子鍾鏞襲以罪  
廢子孫以鎮國將軍遞降管府事

方山王美垣晉定王第五子府在廣昌王府西正統二年封  
諡莊憲子昭僖王鍾鋌襲以罪除子孫以鎮國將軍遞降  
理府事

臨泉王美塔晉定王第六子府在晉府西正統二年封諡莊  
簡子悼昭王鍾鏐襲薨子榮穆王奇溇襲薨子表拾先卒  
年十七追封莊靖王子知焜襲無嗣

靈邱王美堦晉定王第七子府在晉府西正統二年封諡簡  
靖子端惠王鍾鋌襲薨子恭僖王奇渲襲薨子表樟襲無  
嗣

寧河王美壩晉定王第八子府在晉府北正統二年封諡康  
僖子安憲王鍾鏐襲薨子穆簡王奇沄襲薨子榮莊王表  
楠襲薨子恭懿王知扇襲薨子定惠王新睚襲薨無子除

陽曲縣志

卷十六

志餘

五

徐溝王鍾鐸晉憲王第二子府在省城正統六年封諡悼僖  
年二十五無嗣

河東王鍾鏞晉憲王第三子府在晉府東南正統十三年封  
諡昭靖子榮安王奇淮襲子鎮國將軍表枋先卒子榮懿  
王知炯襲追封父爲恭憲王榮懿薨子端穆王新墳襲薨  
子慎鍵襲

太谷王鍾鉉晉憲王第四子府在省城正統十四年封諡懷  
僖無嗣

義寧王奇漢晉莊王第二子府在晉府東天順二年封諡榮

康子僖裕王表規襲薨子端靖王知赫襲薨子康定王新  
堍襲薨子慎鈺襲

河中王奇溶晉莊王第三子府在晉府東成化元年封諡悼  
懷子康簡王表惇襲薨子知炬襲

襄陰王奇澗晉莊王第四子府在晉府東成化五年封諡安  
惠子宣懿王表樅襲無嗣

親化王表謙晉靖王第二子府在晉府西正德五年封諡恭  
裕子端和王知燦襲薨子新煥晉封晉王

安溪王表榘晉靖王第三子府在省城以鎮國將軍卒正德  
陽曲縣志 卷十六 志餘  
三年追封諡懷僖無嗣

靖安王表秩晉靖王第四子府在省城正德六年封諡康僖  
子知燿襲諡恭懿子新煥嗣封

旌德王表楫晉靖王第五子府在晉府東正德五年封諡懷  
安子榮穆王知燾襲無嗣

榮澤王表榘晉靖王第六子府在晉府東北正德七年封諡  
安懿子端簡王知燿襲無嗣

清源王幼埈藩康王第三子正統十一年封博學能文有飲  
河集二十五卷續集八卷家訓詠史詩諡莊簡子榮僖王

詮鎡襲薨子端和王勛瀉襲薨子印枿襲輔國將軍勳漣  
字叔文嗜吟詩與從子印杉印柠印析及諸名士賡和皆  
清源之後也



祥異

明洪武四年太原風異

修建晉王府於古城宮殿木架已具一夕大風盡頽遂移建於府城

正統六年山西大饑

天順四年春三月太原甘露降

是月二十日甘露降於太原府學文廟大成殿前樹

上有司以獻人以爲周經之徵

成化八年春正月雨雹

太原府東南初六日雨雹大如雞卵傷禾苗甚多

九年春

三月地震 秋七月再震

震如雷

二十八年春二月寧河府

災

先是二十七年府中夜妖見需索酒食時舉火欲焚宮殿是年二月十八日夜果焚府第冠服器用不遺一物

妖亦隨滅

陽曲縣志

卷十六

志餘

八

宏治十年秋大雨

積旬

十四年春三月汾水漲

初七日汾水漲高四

丈許臨河村落房屋禾麥漂沒殆盡歲大饑

嘉靖元年秋八月地震

十二年冬十月夜中星隕如雨

十三年秋七月夜星貫月

十七年夏五月地震

瓦屋皆鳴

十八年夏四月再震

二十年秋八月異犬生

耳目各四足有

八是歲北兵屠戮諸縣數萬餘人大掠十日而去

二十一年秋七月朔日有食之

既

午時晝晦星見

二十七年夏四月有赤風

自縣北來須臾天地晦冥咫尺不辨夜一

鼓始

二十九年秋八月鬼火見

二十九日夜有鬼火如列炬自西南抵東北長二三

三十三年訛言起

時民間訛言朝廷命選女子內三四夕入境不數日凡有女子年十三四

以上者遍送有男之家婚配 三十四年冬十二月地震 三十八年夏

四月標下家丁作亂劫倉庫焚府縣參將高鵬遊擊畢文

死都司鄭印平之 四十年大饑 四十一年大有年粟

三斗價銀一錢

隆慶二年黑眚見人多被傷

萬曆元年瑞瓜生府學文廟忽生西瓜蔓綿丈餘結瓜十一枚是科得雋者十一人 六年

彗星見 大風摧折鎮朔門迤東 八年彗星見於東南

察院災即今晉府店 九年大疫死者大半 十四年大饑斗米銀二錢 瘟疫復作死

者枕籍遺官賑濟 二十三年大風北門外拔樹百餘株 二十九年疫大饑

陽曲縣志 卷十六 志餘

九

三十年疫大饑 三十二年冬多雪 三十三年春寒

三十四年晉府東宮災 春夏大寒無雨 五月大雨雪

漂沒人畜甚多 冬十二月晉府東宮又災寶物器玩皆盡 地震 三十五

年汾水環抱省城汾水大漲環抱城人 三十六年槐自火沙河

街大槐樹無故出火立成灰燼 夏四月大風摧折北城小樓一座 三十七年春正月

沙河街觀煙火踏死男子八人 夏四月鼓樓瓦獸吐煙

初十日瓦獸吐煙占主旱是月至次年 三十八年春二月

夜星隕天鼓鳴初十日夜有星如斗大自東南 三月民人

路汝臣妻劉氏一產三男 夏四月地震 秋七月再震

九月大疫死者無算晉府尤甚撫院魏知府關遣醫施藥救之三十九年春正月

關帝廟毀自高白村以北凡有關帝廟一夜同時拆毀不知其故童異民家童子八

毛四十一年夏六月至秋七月大雨傷人損稼七府四十四

二年秋九月地大震雷聲如越八月又震雷聲如四十六年冬白

氣經天彗星見 四十七年春二月風土晝晦

天啓四年夏五月大雷雨擊死數人自旗纛廟起就近民居多農塌者內有火

藥匠胡天祐倉卒中謂妻曰看咱孩子妻曰且看咱娘一念孝感合家無恙

崇禎九年春三月鷺鷥巢於城樹 十一年大饑斗米銀七錢

十三年惡鳥巢於鼓樓西角俗名訓狐十四年大饑 十七年

陽曲縣志 卷十六 志餘 十

春正月朔赤日無光日初出如火二月大風賊陷太原

府城初七日夜大風次日賊陷城

國朝順治元年冬十月大兵取太原日有祥光九月初至圍城十月

二日攻城初三日克之三年夏四月晉府大殿災十八日五

月朔日有食之既晝晦五年秋太白經天是年大同總兵姜瓖叛六

年蝗見飛可蔽日九年夏雨雹大如雞子十一年春流星貫月月上正

流星入月食頃方退

康熙元年夏五月有星穿月初三酉刻月在兌秋八月大

雨彌月連綿汾水泛漲漂沒稻田無數三年冬十月彗星見見於西方長數丈月餘乃滅是

年府北州  
縣皆大饑

四年夏五月太白經天

五年狼進阜城門

冬十月地震

大饑

七年春正月白氣經天

十三日  
西方有白

氣直射東南  
幾觸參井

有星如斗

二十三日星見西南  
色赤大如斗尋沒

夏六月太白

經天

地震

是年天下皆  
震山東尤甚

冬十月地震

十一年春三月

地震

十二年秋九月地震

三冬無雪

十三年夏五

月地震

十八年自春正至首夏不雨

巡撫土公率文武  
太原天龍山禱雨

秋七月地震

十九年秋七月大雨雹

如雞卵地盡白  
牛羊死傷無數

有大如礮礮  
者送官驗視

冬十月長星見於西南

長二三丈  
月餘始沒

是年不時

地震

二十年大疫

死傷無數

秋大稔

四十七年大有秋

陽曲縣志

卷十六

志餘

十一

雍正五年八月嘉禾一莖二三穗至五六穗連年大稔

乾隆九年秋大稔

二十四年小返村平地起山井中生

蓮

見府志

三十三年秋七月大雨汾水漲溢

四十五年大

有年

四十六年大有年

五十四年春三月地震

五

十九年六月前後北屯等六屯被水漂沒禾苗

知縣李免  
各屯雜差

六十年夏慶雲見於東方歲大有

嘉慶元年大有年

二年大有年

三年五月黃土塞龍

王溝等八村大雨山水冲民房禾苗傷人口

知縣郭捐  
銀撫卹

十

年春夏無雨歲大饑

十一年大有年

十二年秋大稔

十六年饑彗星見於斗柄 十七年冬桃李華西山炭

夫折花賣於城市 十八年秋九月十六日大風拔木

二十年七月新城村東關被水漂沒居民舖戶房屋 知縣武捐

銀撫二十一年蘇村等四村雨雹傷禾 知縣邱捐廉二十

五年會城北大雨雹如雞卵

道光元年四月朔日月合璧 二年連日地震 四年秋

大稔 五年七月楊興賈莊等二十餘村飛蝗入境損傷

禾稼 知縣文捐廉收捕 八月彗星見 六年二月大風天赤晝晦

四月賈莊等六村飛蝗復生 知縣文僱民夫撲滅 九年北門城樓

陽曲縣志 卷十六 志餘

十二

東向獸口出煙高數尺秋稔 十年春正月大瘟疫 秋

稔 十一年夏六月二十七日日無光色赤如血

方技

唐狄仁傑字懷英陽曲人顯慶中嘗入關應制路由華州園  
園之北稠人廣衆聚觀如堵公引轡遙望有巨牌大字云  
能療此兒酬絹千疋卽就觀之有富室兒年可十四五臥  
牌下鼻端生贅大如拳石根蒂綴鼻纒如食筋或觸之酸  
痛刻骨於是兩眼爲贅所繩目睛翻白痛楚危亟頃刻將  
絕惻然久之乃曰吾能爲也其父母洎親屬叩顙祈請卽  
輦千絹置於坐側公因令扶起卽於腦後下鍼寸許仍詢  
病者曰鍼氣已達病處乎病人頷之公遽抽鍼而脫贅應

陽曲縣志

卷十六

志餘

十三

手而落雙目瞪亦如初曾無病痛其父母親眷且泣且拜  
則以縑物奉焉公笑曰吾哀爾命之危非醫技者也不顧  
而去

舊志

王方慶晉府人雅有才度博學多聞篤好經典精於藥性  
活人甚夥

明杜纘字字公甫陽曲人幼補弟子員得羸疾因治岐黃家  
言以意自藥凡八年而病愈間療人疾他醫謝技窮字多  
以奇收之邑人王道行邁危疾字投劑十餘有起色謂宜  
靜攝王不戒忽嘔痰數升營脫脈代太谿絕指下字曰代

脈有暴損者可治戒勿飲食日夜進附子獨獲湯又爲灸  
靈天樞氣海關元諸穴百餘壯脈始得還凡服獲盡十觔  
附子八兩有奇不雜他藥一銖百餘日而愈或云附子毒  
字笑曰附纔二十分之一而以獲制之毒將焉施蓋用附  
以直達湧泉健獲力下行譬如命大夫頤指賊曹捕誅不  
道若嫌其猛利是偵卒游徼無所用而爪牙可廢也聞者  
胥服然字品殊介雅鄉評稱重不欲以醫見也巡撫魏允  
貞母病或以字薦字固謝不往魏屏侍從詣室跪請乃行  
病愈魏出諸醫方視之字指一方曰此與愚意同必百劑

乃克痊公求效太速彼一投不效卽斥矣公可以酬某者  
酬之魏益加敬後以明經授袁州府別駕

梁檀陽曲諸生少聰慧工績事凡古人山水人物花鳥靡  
不造微旣復略寫大意學書不用古法而孤潔秀峻自標  
一格家貧居南關小齋傍水號蘆鶩古書桐琴獨寤寐也  
傅青主偶以績事訪之見壁間琴上有燕子巢結焦尾爲  
賦燕巢琴一篇臨所謂蘆鶩溪者青渺渺然映帶乎蕭索  
門庭山指顧曰梁伯鸞在其中哉遭亂避居西山一年有

卽事詩畫手卷惜不傳

見霜紅龕集

郝異彥字太素陽曲岡上人明崇禎間以吏滿出爲淮安外河主簿善畫美人花草翎毛略倣平遠山水于雲鵬亦工畫精於異彥而爲人惇靜不以能績事自高

趙文徵字鳳白陽曲人通志有傳工山水畫絕不用丹青家蹊徑傅青主稱其產於筆底拔出嶽嶽落勢眞奇構也鳳白大笑但高誦坡仙詩作詩必是詩定知非佳詩以謝之

國朝王适陽曲人偉幹修髯善飲酒終日夜不醉工墨畫初宗韶秀晚彌雄蒼傅青主詩云王适冥於酒深醉無一言

陽曲縣志

卷十六

志餘

十五

績事老益妙蒼潤欲樗仙獨床二十秋一室懸半箋

陳謐字右泫陽曲人聚徒汾西妙解醫術與傅山爲友

曾岳陽曲人工畫山水與之交嘗稱云晉陽兩畫筆

城外雙塔俗謂之兩畫筆

竟在曾家阿六也

王延年字鶴亭陽曲人每垂竿文瀛湖工丹青翎毛花卉如生尤工寫眞有虎頭筆意求者無虛日



仙釋

元宋德方號披雲子隱居太原昊天觀鑿石洞七龕爲修煉所至元七年贈元通披雲真人賜號曰崇真鐫石陽曲之元通觀

杜志元柏井村人童穉嬉戲未嘗忤物甫冠遇一相者曰此子仙風道骨塵俗污染下手已遲志元悟遂禮代州神岡觀張廣元爲師七年默有所得遍遊名山晚始歸里構西溪庵居之知未來事朗如明鏡至元十五年按察使史扛譏記

陽曲縣志

卷十六

志餘

十六

李志樸字純甫質實勤敏建陽曲卿雲觀其徒張居敬嗣之領悟師傅沈潛至道至元癸巳授天下元門演道大宗師掌教真人

洞明真人姓祁氏至元三十一年贈存神應化洞明真人鐫石陽曲元通觀

明梁魔頭太谷杏林人出家資福寺散髮蓬頭似瘋癲洪武時晉恭王數召見有事叩問輒先知尋還晉陽莫知所終板特達西域僧洪武初從晉恭王之國居普光寺勅封大國師圓寂獲舍利萬餘

昌海太原人俗姓許隱崛嶠山禱雨輒應刺血書五大部經百十三卷永樂中詔赴京纂修大藏經住世八十二年更衣趺坐而逝

姚和尚住崇善寺林學憲至寺異之問其姓名因出對曰風吹羅漢搖和尚姚卽應曰雨灑金剛淋大人時稱其敏慧

妙峯僧戒行見重於世居郡中時以永祚寺舊塔微側更建新塔今名雙塔寺又謀於汾水上建石橋事幾成被徵而去

國朝徐冲善初居西山之桃源洞遇仙傳丹訣後遷純陽宮嚴冬不火亦不絮康熙五年坐化年八十四平陽司李林公爲火葬於東郭更立塔焉

潘守器湖州人年二十餘出遊遇異人授導引內鍊諸術適晉寓陽曲柏樹園純陽宮去而復來者三閉關靜坐累月不食康熙己亥撫臣薦送入都乞還山年九十九卒塑遺蛻於純陽宮之西廊有碑記

府志

赤足僧散髮不簪不知其名穿一單布直裰無冬夏赤足遊行乾隆四十七年三月忽來縣北石嶺關鳩工鑿修石

路舊僅通一車每翻跌行者苦之僧空手來不募化不知其費何出止見石工四五十人僧惟糾視衆工食餼多寡稱其勞逸每日發給工錢數千文糾視之餘卽居一石穴閉目禪坐鄉人有爲之送食物薪芻衣服者亦不顧終日不食止見其側一燈常燃明年四月工竣覓之不見後聞坐化於五臺縣李姓家今墓在嶺路之西爲建祠懸匾以示不忘云

僧通境年十三初聽涅槃卽通文旨遂薙髮於尹家溝興福寺爲僧講經訓守清規及長酷嗜醫術活人甚多却謝

不受有熟識寇姓者榆次人貿易陽曲一日以旋里囑其人怪問之曰君家有事早還則濟否則不及後歸未逾月而亡人皆異之圓寂乾隆庚戌年

常八十無法名居南十方院爲衆僧服役職炊爨寒暑不少懈背僂髮黑口不多言目不邪視衣面垢污不知澣濯或日一食或三五日一食人問其年曰八十歷數十年再問之無異詞訪之寺僧及近寺年老更事者皆莫詳其所自來並不記其年果若干歲因是稱常八十當道諸公見其衲敝甚易之以新弗受訪以休咎搖手而已後無疾而

化

明末紀事

崇禎癸未冬十月賊李自成據秦太原戒嚴執事者調宣鎮張都司領兵一千名守南關大城內有撫標十小將王步月等練兵三千名爲戰計太原營兵一千名舊營兵一千名爲守計明年甲申正月賊渡黃河而東所過都邑望風降逆毒刑逼餉宗室鄉紳宦裔富民苦死者不計其數二月初賊至大佛寺巡撫蔡公懋德使小將柳同春率所部兵探賊同春未見賊兵同衆潰散初六日賊至城下時

宣鎮張都司守南關按察司楊公本鍼爲大城南面主守督糧道蘭公剛中爲東面主守督學道黎公志陞爲北面主守分巡道畢公拱辰爲西面主守巡撫蔡公懋德總巡四面事宜其餘官員各守倉庫賊先攻南關宣鎮兵開關門迎降巡撫蔡公心知兵將不用命遂不敢遣一卒以一矢加遺南關城樓正對大城重鎮樓楊公本鍼恐賊據南關城樓大城樓受敵募勇士曹扭兒縋城下竟上南關城樓角火燒毀楊公賞銀五十兩初七日賊盡力攻打驅難民爲先資城上砲子中南關順城門樓引藥樓內所貯火

藥卽時燒毀大城陴夫望賊散亂無紀奮欲殺賊自於主  
守縋城下生擒二人磔之城內居民有善鳥鎗者私聯數  
十人請於蔡公願以鳥鎗打賊公令擊中一賊者賞銀二  
兩人爭擊之已而擊賊者衆有司吝賞鎗手之志遂懈申  
刻賊攻東南角甚急兵士用火礮擊賊焚其藥線未及擲  
下火礮四裂延燒角樓樓內所貯火藥一時俱焚燒死管  
火器千總陳嘉琦弟陳嘉貴及兵民人等甚衆城中哭聲  
震天盡無人色至夜狂風大作勢若轟雷陴夫震驚猶堅  
守無去志初八日昧爽小將張急鬼奪南門出降賊焚新

南門遂蜂擁入城中軍應時盛引巡撫蔡公懋德至三立  
書院時盛曰城旣破老爺當死中軍亦不敢負老爺獨生  
蔡公領之時盛結繩梁間蔡公引頸入環死時盛亦引頸  
入環死時北城陴夫尙未知賊入城猶用砲石紛投擊賊  
俄而賊至多殺死塚下者其時民間投井懸梁自焚不可  
勝紀甚至有全家自盡者賊令曳屍城外隍深三尺許積  
屍竟與之平嗚呼晉民未負朝廷也

舊志賊破太原條

賊旣破太原獲布政趙公建極公不跪賊搜公私室得小  
樂器一張賊問公爾爲清官如何藏此樂器公曰我老而

無子服官勞無以自遣一姬能鼓此政暇令一鼓之解愁  
鬱何礙我清賊要公受僞官公死拒之賊令曳之出公厲  
聲呼萬歲者再賊復令轉來問公曰爾呼我求生耶卽舍  
之公曰我呼我萬歲耳豈呼賊耶遂殺之巡寧道畢公拱  
辰賊脅公晉府前賊適得新刀數口殺人公睨視賊問公  
爾看何爲公曰看那刀好殺我賊卽以其刀殺之守寧道  
毛公文炳督糧道藺公剛中皆以科臣出者毛公守北城  
賊入城毛公易衣雜入王中書宅三日夜補一豸套爲賊  
覺左右拉殺之於晉府前藺公守東城賊入城徧索諸官

司獨不得按察司督糧道二人且置之一賊掠得箱籠方  
掠人昇得布政司吏宋某者令昇宋辭一人難獨舉賊曰  
已有人在酒肆中曳至宋見一人敝衣爲傭狀宋諦視則  
藺糧道也藺曰宋使無言宋默然卽與昇箱隨賊行宋小  
語曰老爺換肩賊覺因得糧道殺之有諸生某爲賊掠入  
後營見提學黎志陞戴羊皮笠青布大襖跪白賊將曰本  
道歷任三月尙未入考棚旁立韓孝廉霖代爲解曰此天  
下文章士也賊將命之起爲易衣冠黎色喜不禁已而僞  
錄爲考文官隨大同去按察司楊公本鍼守南城乘亂跨

騎雜人叢中出西振武門奔西山懸窰寺後脫身歸知府  
孫公康周見殺同知李公一清已陞任蔡公留守城亦見  
殺署陽曲縣事長史范志泰初被執賊桁夾之勒出資與  
之復以桁夾其頭睛出腦裂死舊志有司  
靖節條  
初賊陷秦有傳秦中士夫被賊嚴刑勒贖助餉者晉人未  
甚信也至是賊到遍令賊將搜捕鄉紳宗室富民及鄉紳  
之旅屬妻婢桁夾逼餉郡邑則委之僞守令賊將慘刻倍  
甚一時士夫死亡無幾存者 潘雲翼癸丑進士太僕寺  
少卿守城事宜俱公經畫著乘城信地錄被夾死獄中

陽曲縣志

卷十六

志餘

二十二

郭人吉太原縣人萬曆壬子舉人刑部主事守西城被夾  
死 于可允萬曆己酉舉人桂林府同知被夾死 崔嗣  
遠萬曆丙午舉人北直靜海知縣被夾死 萬砥太原前  
衛人萬曆丙午舉人四川漢州知州被夾死 朱敏澹宗  
貢河南睢州知州被夾死 朱新時宗貢張秋通判被夾  
死 鄭材天啓恩貢山海關通判被夾死 張先猷景維  
子宗禎壬午舉人賊以父居官亦被桁夾而死舊志鄉紳  
被拷條  
五月賊李自成敗歸時鄉紳夾而未死者並子弟婦女猶  
幽禁追比賊至始釋之既乃令闔郡鄉宦及妻孥盡起送

西安遂有死於彼土如郡城王公嘉言忻州賈公亭太原  
鞏公皇至王公嘉言骸骨暴棄秦中未得歸葬更有徐溝  
張公某夫妻縊死狼孟明年

王師下西安各宦並家屬放還

舊志選解  
長安條

八月陳永福以僞文水伯鎮晉時宗支尙多永福陰令四  
城僞將分捕初八日城門晝扃大索一日得千餘人殺於  
海子堰間宅後妻產並沒於賊明日大赦諸王子弟村居  
者僅免

舊志宗室  
就義條

順治元年九月十三日

陽曲縣志

卷十六

志餘

二十三

王師至太原永福遣賊四出搜野爲固守計時西洋神炮未  
至始息士馬以待十月初三日炮至齊集西北角攻打永  
福勒馬城頭指揮守禦不移時城垣立毀十餘丈

王師擁上賊衆奔逃城外伏兵四起殺賊盈野略如二月城  
破時聞有逸者亦被四鄉居民擒斬之城中搜捕無遺永  
福先乘亂奪東門南逃不知所往大都督孟公下令兵集  
城頭不得擅入民舍城中秋毫無犯

舊志羣盜  
受死條

晉藩殿宇宮闈宏麗冠諸藩賊李自成破太原入宮內首  
索金帛驅宮女已而掠王北上珍物圖書玩好凡歷世所



蓄蕩然四出稍爲奸民所得而毀裂焚棄已十之六七後爲陳永福所據其左右亦多攘竊有以寶賢堂古石刻斷砌馬槽者甚可歎也及大兵破城永福逃遁督撫馬公下令禁止不許一人入府布政陸公封扃曉示丙戌四月十二日夜不知火從何起烈焰燭天俱成五色比日出自內城至宮門大殿東西齋殿靈壽等宮盡爲灰燼飛煙逾月始息傳曰人火曰火天火曰災晉藩之燬天與人當必有辨之者

舊志晉藩灰燼條

康熙庚申辛酉二歲旱災特甚巡撫穆公爾賽方伯那公

陽曲縣志

卷十六

志餘

二十四

爾觀察庫公爾康率監司守令以下虔誠步禱雨卽隨之然不能廣被或近在城邑或霖霖而止以是雲中一帶赤地千里死亡載道先是撫藩臬率屬捐賑不資旋請帑銀二十萬兩賑之巡撫藩臬皆撤從親往按籍散給民沾實惠繼而饑民流集省會動以萬計巡撫藩臬出示招徠仍設廠煮粥賃店安插黎民全活甚衆越明年巡撫特疏題請開豁逃亡丁糧哀鴻漸復歡聲如雷乃知堯水九年湯旱七年固無傷於盛世所難者節鉞大臣能實心軫恤耳

談藪

狄仁傑為并州法曹時同僚鄭崇質當使絕域崇質母老

且病仁傑曰彼母如此豈可使之有萬里之憂詣長史蘭

仁基請代之行仁基允代其行基素與司馬李孝廉不叶

因相謂曰吾輩豈可不自愧乎遂相與輯睦見此事摘錄府志

狄仁傑登太行山親在河陽反顧白雲孤飛謂左右曰吾

親舍其下瞻悵久之雲移乃得去見蘇氏家語府志

天后製袍字賜仁傑曰敷政術守清勤升顯位勵相臣梁公

家傳府志

陽曲縣志

卷十六

志餘

二十五

狄文惠公臨薨屬其家人曰佛以清淨慈悲為本而愚者

乃寫經造像冀以求福汝曹勿終身迷惑而不悟也此語

不惟知佛而且善學佛者矣自韓愈以下凡號斥佛者其

見俱未及此西軒客談府志

嘉靖八年太原大饑餓孳載道參政王尙綱上救荒八議

一曰愍饑饉二曰卹暴露三曰救貧民四曰停徵斂五曰

信告令六曰推糴買七曰謹預備八曰恤流亡嘉靖四十

年復荒知府於公惟一獲竊盜曰饑民給小粟釋放令省

改僉事王公喬年第曰盜輒令隸卒引至弔橋下折其腿

骨寬嚴並濟民賴以安

舊志

萬曆辛丑歲饑迎澤門外釣橋下有東人來就食者一老一壯一婦人收養遺棄嬰兒乞食哺之無兒女者稍餽以銀抱去螺負全活甚衆三人以此不死當顛連之時而能如此滿腔天理陰德無量舊志稱橋下仁人良不誣也

舊志

馮季府庠廩生善講書郭麓池先生署學道每行香講書少有當於心者往往命馮則大學中庸一氣分解如順坂走丸隨風縱棹有味乎其言之也環橋門而觀聽者濟濟雖故事乎而今無其人矣張文明爲諸生時最喜看綱目

陽曲縣志

卷十六

志餘

二十六

每鄉科落第無愠色曰把綱目再看一過登甲科爲名御史豈偶然哉今日青衿卽通鑑節要且置勿問而况綱目

耶

舊志

甲申五月賊李自成敗歸西遁路經榆次士民閉門抗拒賊怒攻破屠其城遂至太原駐馬臨行留陳永福守禦且授以堅壁清野之計永福遂攤平南關北面城垣仍令民間房屋自行拆毀違者繩以法民畏其威不數日拆屋幾盡後

王師定太原招民復業民漸葺餘房以安其居順治十七年

巡撫白公如梅修築東西牆垣接連大城關民始有可恃  
康熙四年布政王公顯祚出示募民蓋造每舖面一間給  
銀五兩民得其助樂於興工雖空隙未能盡補亦可謂屹  
然屏衛甲寅滇黔倡逆大兵經過輒屯駐旬日最後蒙古  
一軍騷擾更甚關民依舊逃避室廬遂多毀壞知縣戴夢  
熊力圖興復始漸有保聚之勢

舊志

萬厯己酉年大荒米珠薪桂人至相食郡人參政傅公霖  
施粥百日米費四百斛所居前後左右諸貧士賑米銀二  
十錢知州傅公震施粥費米百斛辛丑壬寅年復大饑霖

陽曲縣志

卷十六

志餘

二十七

于小彌陀寺燃火地坑收宿貧民有死亡者施棺葬埋復  
施粥起冬月至來年熟乃止費如前晉王佐賑米四百斛  
周寒士者百斛此外邑紳如王立賢馬朝陽李光輝王月  
辰馬惟駟潘文周大年李三樂亢繼志王育才李純芳黃  
尚忠等十四五人賑米或百斛或五十三二十斛不等民  
賴全活者數萬當道皆棹楔旌表

舊志

嘉靖乙未四月二十七日巡撫磨下標兵王慶賈壽等作  
亂尋撲滅之按標兵之設始於平涼趙公時春其人率豪  
猾猛悍鮮衣怒馬月支大小糧例夏秋之時草木茂盛馬

草料暫停而惟標下親丁獨不然巡撫葛公縉以兵興費  
絀議減標兵糧如常例衆心旣戚又將之者非統馭才一  
夕鼓譟而起剽掠城市焚劫公府參將高鵬掌兵事首迨  
脅之高不爲動刺殺之時遊擊畢文罪繫大盈倉又脅之  
不從罵不絕口持桌腿擊賊不勝而死都司鄭印者聞變  
橫刃步出大呼左袒三衛甲士四集麾下討賊於市盡殲  
焉不崇朝而定時當事者畏朝廷譴問藉口高軍以自解  
未幾鄭以靖亂陞而畢公之義久不宣居數歲少司馬南  
昌萬公爲巡撫知其事詢諸士民良信檄下有司祠畢公

於北門之月城而高公之枉死未白兩朝憲章錄嘉隆聞  
見紀按葛使奏書以爲實豈不冤哉

舊志

城隍廟山門東牆箴近溪隱君家訓石刻高六尺寬二尺  
楷書字方二寸其文曰存陰鷲心幹公道事作老成人說  
實在話把天理先放在頭上處人只要個謙厚居家只要  
個和平教子只要個學好喫穿只要個飽暖房舍家火只  
要個堅牢有冠昏喪祭只要個合禮纔開口便想這話中  
說不中說纔動身便想這事該作不該作纔接人便想這  
人可交不可交纔見利便想這物該取不該取纔動怒便

想這氣該忍不該忍處身要儉與人要豐見善就行有過便認尤可戒者奢侈一節今人好作無益只圖好看似費了財帛誇俗人眼目不如拿些錢糧救窮漢性命錦上添花何用彼冬無破絮者皆天地生靈案前積肉何爲彼日無飽糠者皆同胞赤子看那慳吝攢錢之人生驕奢破家之子天道甚明愚夫不悟爾曹切記吾言未署萬歷某年山西按察使呂坤泐石

傅青主因闖亂失家僑寓榆關河南獲奸細扳有山西朱衣道人傅姓咨行晉撫密遣司李王秉乘率兵執青主下

之獄青主容色自若供係太原府諸生食餼有年以失家避荒侍養老母頗知醫藥兩訊茹嚴刑語言不亂覆核所扳日期卽臬司經歷魏一鰲爲父疾求方於汾州日也撫軍陳公憐其冤具疏請釋羈獄以候青主手錄金剛法華二經註之一年後如接形聲種種惡業現諸變相一日司李省囚語青主曰君高行動天不日昭雪也青主遂將獄中幽魂慘戚情狀訴之乞捨棄骼埋郊外義塚司李領之適太守邊公夜夢獄中諸厲哀鳴於前次日司李以青主所言請邊驚歎曰怪哉夢寐之靈也卽捐俸買地多備席

藁檢瘞如法仍勒石禁侵擾有吏父夢三婦人披髮藍縷  
哭言恩出宰官權在公子今獨遺某三人黑獄何時出耶  
一夕三夢之明以語其子果於牆之僻處掘得三婦屍兩  
屍無姓氏一屍於瓦上書姓氏交城人也裸而埋之由是  
囹圄不爲蒿里矣此青主註金剛法華之所感也

傅青主云吾鄉唐東巖先生好文墨學古文詞喜聾牙著  
有文集子孫式微不能梓行也先生之子近崑老人質實  
無公子習傳聞訪先大夫來時每騎一驢隨一粗廝坐久  
廝睡熟不能起先生蹙之令牽驢不卽應笑而待其寤先

陽曲縣志

卷十六

志餘

三十

大夫喜道其盛德事家藏吳中名士筆蹟頗多其祖憲副  
公諱希介墓誌銘是文徵仲小楷此石在晉城一人家未

毀也

見霜紅  
龕集

北門外柏樹園三清洞壁上有潘真人手書詩四幅與畫  
四幅相間惜年久壁泥剝落而墨跡飛舞迥異恆蹊其一  
云曾遵寬猛調元化看破昂藏身外營惟有虛靈常不昧

風光朗月永長庚

尾署用  
伯氏

其二云海角天涯爲乞丐玉京

金闕

雷銓福民壽世無窮盡師友招呼列衆仙

尾署  
守器其

三云誕生六合足廉貞仁義天然學聖明松柏森香留隱

逸菜根滋味薄功名

尾署鼎持

其四云少小詩書尾聖賢成丁

豁達獨超然雙親割愛由兒計三教修真抱道眠

尾署歸山人

明雪林張姓陽曲庠生亂後爲僧好讀左氏傳傳青主霜紅龕集云雪林近讀左傳了告余曰禮之一字足蓋左傳一部貧道聞而驚服之凡妄人略見內典一二便放肆有高出三界意又焉知先王之所謂禮者哉禮之一字可以爲城郭可以爲甲冑退守進戰莫非此物向日貧道有讀左傳偈子云死不在寇須事賊趙鞅陳逆皆吾師蓋斷章耳又有懷雪林詩書紅土溝道場碑側云的的吾憐爾蚩

陽曲縣志

卷十六

志餘

三十一

蚩在有情文中抄當佛左傳讀於僧世界輕黃葉人倫愛赤城帶來好種性嘗記慧蘭名

秀雲者晉府樂長也聲容冠一時善畫蘭兼工小楷操琴漢宮秋稱絕調又能以琵琶彈普庵咒與琴入化文人學士多與遊字之曰明霞卒爲輕薄子所給傾囊相委久知其負己也抑鬱而逝淹殯積歲傳青主聞而憐之召僧尼導引郊外與所知詞客數輩酌之酒而葬之有聯珠詩十四首其一云芳魂栩栩自仙遊走馬章臺滿目愁疎雨細風清夜永可憐一曲漢宮秋其二云漢宮秋是古琴文幾



個知音坐上聞流水不逢鍾子輩當壚誰識卓文君其八  
云小樓塵土暗窗紗不見樓頭解語花碁冷文楸香冷篆  
狀頭橫著舊琵琶其九云琵琶掩抑不堪聽司馬江頭涕  
淚零老大只教癯骨在何須粉白與螺青

陽曲縣志卷十六終

陽曲縣志

卷十六

志餘

三十二

志者何記也記其事以備作史者採也故史宜略而志宜詳然謂詳於事蹟非謂詳於文詞蓋惟有翦裁有斷制有包括修志之時仍寓作史之意則事既詳而文有不得不簡者此武功志高出諸志猶五代史高出諸史也陽曲志自康熙二十一年邑侯戴汝兆先生修後迄今百四十餘年文獻之不足久矣賴有府志修於乾隆四十八年合通志縣志互相參訂猶存什一於千百非不幸中之一幸與榆村李邑侯下車伊始卽與邑人鄭梅林先生議此事慮操觚難一人任適先君子罷官歸里欣然曰六山先生此來可爲首推李侯遂並

陽曲縣志

後序

一

延張古娛先生三人共鉛槧時道光庚寅十月也於是矢公矢慎不爲左右袒先取縣志府志散其繁冗分類成藁然後於事蹟之遺失者補之未載者增之志輿地則詳於疆域沿革山川城鎮志賦役則詳於戶口丁糧運支積貯志學校秩祀則詳於制度典禮志武備則詳於兵防軍器驛遞志職官則詳其政績宦蹟志選舉則詳其科第徵辟志人物則詳其事業品行節孝貞烈至於星野祥異風俗方產藝文各項但擇其要者而登焉嘗聞先君子之言曰司馬氏之修史也足跡徧天下成史記一書今雖百里桐封而代遠年湮其淹沒

無聞者何可勝道就令竭一邑人耳目之力詎能於六十三都中書焉而無所闕略亦惟盡心力以爲之旁搜遠引考覈必精不事鋪張揚厲之虛文務備採風問俗之切要不敢謂無遺也或其少之不敢謂無疵也或其小之後有作史者起咸得核其實則可以爲今日之信志者卽可以爲他年之信史豈不懿與壬辰藁成將付剞劂先君子積勞成疴是時李侯擢忻州牧旋署蒲州太守九月蒞省聞先君子病篤急登門見先君子尙力起牀蓐瘦骨撐持汪輩左右侍立聽與李侯共話來春梓志事旣而曰是志之梓殆不及見矣望明公

陽曲縣志

後序

二

早完此未成一簣之功李侯唯唯揮淚別去無何先君子見背李侯亦捐館舍事中輟謂非斯志之大不幸耶然猶謂有梅林古娛兩先生在也詎料梅林先生又謝世而古娛先生遊關中在局司事者盡縱橫散汪亦單騎走萬山中蹇滯汾源五六載始得言旋會古娛先生自陝歸因相與議合諸舊同志共謀葺事一時惠然而來者於城則有張南溪李瀛洲鄭榕莊三人於鄉則有劉玉軒王潤臯張東園三人至是重加校訂於職官選舉節婦諸門連類綴輯越三載書乃告成謂非斯志之一幸耶嗚乎難矣自康熙至今甲子幾閱三周

始有新志於此見修志之難自庚寅修志壬辰脫藁至癸卯相距十寒暑始有完書於此見梓志之難使後人見爲難而知邑志之不易修不易梓且見爲難而知邑志之必須修必須梓則纂志之心見矣惜李侯未及一言弁首人咸以爲憾要其流風善政昭昭在閭里間不僅修志一事卽以志言他省首郡兩縣者居多晉省止陽曲一縣宰是邑者應接不暇誰復留心於徵文考獻之舉李侯獨慨然以首倡爲己責戴志而後一人也向無其人則釐正修葺幾遙遙無期雖有邑中人士不且慮大難爲力哉若夫本六官以編次古娛先生

陽曲縣志

後序

三

自記中謂李侯曾有是議厥後在陝得永清縣志見其隸事不外六典括全書遂仿爲之時年近古稀一生心血耗費殆盡是又有專屬焉注不敏恆以不克承先君子之志是懼今幸其有成也用敢詳述於簡末庶後之君子知所考且見夫矜才而騁辯銳智而炫博是書槩無取云

道光二十三年歲次癸卯四月既望閣佩荳謹撰

捐修經費姓氏

監生 劉瑛 監生 王兆安 中書科 王居中 守禦所千總 王昫

遊擊 王昱 州同 王燮友 監生 田績 耆賓 榮萬寶

從九品 劉德輝 州同 王珖 從九品 賈芳蘭 監生 宋大榮

同知 王新業 賈配德 撫標千總 杜成 監生 李增榮

監生 趙丕明 署左雲縣訓導 王夢熊 陳鈞 庠生 劉天錦

都司 王清鳳 鄭岐榮 廩生 阮秀升 布政司理問 路履泰

監生 王佩 趙晉藩 閻思仁 布政司理問 閻升俊

介賓 鄭纘武 李福 從九品 王文明 從九品 梁璵

陽曲縣志 經費姓氏

從九品 梁珏 從九品 劉根威 監生 路永清 弓三開

正八品 王子文 廩貢 郭沛 庠生 郭潭 武生 韓永泰

庠生 韓廷英 耆賓 宋大經 秀監 宋興裕 忻州學正 李冲霄

州同 劉棟 武生 王瑯 正九品 王瓚 岳嶠

增生 岳崇 江西奉新縣知縣 張正誼 胡文植 金養正

庠生 劉子俊 廩生 郭相清 舉人 翁錫書 監生 路臨泰

監生 路大來 耆賓 鄭紹芳 介賓 鄭奎光 耆賓 鄭法謀

州吏 崔侗 劉天錫 庠生 劉錦堂 衛守備 任淳

武生 趙玉臺 監生 康時泰 楊質純 從九品 牛靜遠

生歲貢 張蘭 品從九 張如鴻 張俊 者賓 鄭傳周

者賓 王俊 品從九 劉真 品從九 董世泰 品正九 慕全身

州同 袁仁德 張恆 劉槐 賈彬

附貢 白珫 金綿武 金巖 監生 路升平

監生 路安泰 陳鐸 庠生 陳銳 者賓 李效泌

庠生 劉之瓚 宇文村 岡北村 蘭岡村

陽曲縣志 經費姓氏



捐款姓名表

郭莘耕先生

認捐大洋壹百元

張直君先生

認捐大洋五十元

劉輯五先生

認捐大洋五十元

曾子常先生

認捐大洋三十元

王紫垣先生

認捐大洋三十元

成道平先生

認捐大洋三十元

朶席儒先生

認捐大洋三十元

張益卿先生

認捐大洋二十元

高鳴岐先生

認捐大洋二十元

白和菴先生

認捐大洋二十元

殷鼎臣先生

認捐大洋二十元

李春蘭先生

認捐大洋一十元

彭萬泉先生

認捐大洋一十元

李香亭先生

認捐大洋一十元

王榮順先生

認捐大洋一十元

馬孟照先生

認捐大洋一十元

趙元亨先生

認捐大洋一十元

武政先生

認捐大洋一十元

郭建勳先生

認捐大洋一十元

郭恭先生

認捐大洋一十元

王雲堦先生

認捐大洋一十元

孫潤堂先生

認捐大洋一十元

鄭親賢先生

認捐大洋八元

馬驥材先生

認捐大洋六元

阮子山先生

認捐大洋五元

郝潤堂先生

認捐大洋五元

溫澗先生

認捐大洋五元

何天休先生

認捐大洋五元

李繡花先生

認捐大洋五元

王爾齡先生

認捐大洋五元

董桃惠先生

認捐大洋四元

趙文光先生

認捐大洋四元

杜明先生

認捐大洋四元

李向春先生

認捐大洋三元

郭香亭先生

認捐大洋三元

龐森泉先生

認捐大洋三元

劉占元先生

認捐大洋三元

范津先生

認捐大洋三元

王文煥先生

認捐大洋三元

薛向洲先生

認捐大洋三元

翟朝棟先生

認捐大洋三元

王好文先生

認捐大洋二元

陳寶庫先生

認捐大洋二元

李長年先生

認捐大洋二元

韓益齋先生

認捐大洋二元

以上共認捐大洋五百九十八元

